



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 163. de comitis Geroldi traditione bonorum in villis Gudulma et Erpeshus in pago Nithega, nec non de origine marchionis Geroldi et comitis Gröningensis Sifridi.

urn:nbn:de:hbz:466:1-36114

Ab anno
826 vsque
853 im-
perante
Hudo-
uico et

§. 162.

Tradidit adi pro remedio animae patris sui offic et fratrum suorum
tadi ac frederici in *snuidi* (C) quidquid ibi habuit testef helmold uuorid
afic et alii tres.

§. 163.

Tradidit *gheroldus* (D) quidquid hereditatis habuit in *gudul-
ma*

De villa
Hacules-
thorpe.

(B) *Haculesborpe* villa in nostro Registro inuenitur posita in pago *Auga*, quam in vtra-
que Visurgis ripa circa Corbeiam nostram fuisse obuam, iam supra diximus.
Hodie eadem villa desolata est, probabilissime autem olim reperta est in loco
dicto *die Hackbreite*, vix iter vnius horae qui discretus cernitur a castro Bruno-
nisburgo. *Beuonem* ergo habemus pro fratre abbatis Warini et nepote ducis
Angariorum Brunonis. Confer infra §. 400.

De mar-
ca Sneui-
di.
De Ger-
oldo co-
mite.

(C) De villa et marca *Sneuidi* vide supra §. 118. not. (x)

(D) *Gheroldum* supra §. 95. habuimus pro filio *Alsburga*, *Alsburg*, vti demonstraui-
mus §. 104. quae vxor fuit *Walberti*, nepotis ex Widekindo M. Ergo *Geroldus* ha-
betur pro filio *Walberti*, fortassis autem duntaxat *Walberti* priuignus erat, quia
in tota genealogia Widekinda nomen *Geroldi* alias non occurrit. Si coniecturis
aliquid dandum est, velim hunc *Geroldum*, quia in Annal. Corbeienf. MS&is *no-
bilis Francus* appellatur, habere pro filio *Geroldi* ducis Sueuiae, qui cum Wide-
kindo M. gessit atrox bellum, in quo Widekindus periit, teste Krantzio in *Saxo-
nia* Lib. II. c. 24. quod accidit anno 807, testante Chronico Rittageshusiano Tom.
II. Leibniti p. 72. Quamuis enim de hoc *Geroldo* nullos habeamus antiquiores
testes praeter excitatos, ex aliis tamen constar documentis, illum *Geroldum* tem-
pore Caroli Magni claruisse. In testamento Caroli Magni, quod exhibet Egin-
hardus in eius *Vita* p. 142. seq. quodque Carolus annis tribus, antequam decede-
ret, fecit, inter comites, coram quibus eandem ordinationem Rex constituit, re-
peritur *Gerholtus*. Ex quo momento firmiter colligimus, magnam eundem
gratiam atque auctoritatem apud Carolum M. esse consecutum. Huius *Geroldi*
porro meminit Eginhardus in Annal. Rer. Franc. p. 166. referens: *Hudowico*
imperator anno 815 allatum esse, quosdam de primoribus Romanorum ad interfi-
ciendum Papam Leonem in ipsa vrbe Roma conspirasse, caesarem igitur Bernhartum
regem Italiae nepotem suum ad cognoscendum, quod nunciatum, Romam misisse, quem
vero eo ventum aegritudine decubuisse, res tamen compertas per GERHOLTVM CO-
MITEM ad hoc legatum datum imperatori nunciasse. Post haec idem Eginhardus
l. c. p. 174. anno 826 *Gerholtum* nominat comitem et Pannonici limitis custodem
in Carantanorum provincia, ex quo videre possumus, *Gerholtum* istum eodem
anno habuisse in Austria comitatum suum, atque ibidem imperatoris negotia
procurauisse. Post annum 826 in Annalibus, quantum scimus, nulla eiusdem
Gerholti mentio amplius iniicitur. Eius vero pater videtur fuisse *Geroldus Bajoria
comes*, qui, Poeta Saxone teste, Tom. I. Leibn. p. 149. anno 799, cum *Chri-
sti* populum defendere ac bello seuis Hunis obistere vellet, sinuit vitam fragilem.
Quae ipsa etiam narrat accurate auctor Chronici Quedlinburg. Tom. II. Leib-
niti p. 276, qui illum appellat *Gheraldum et clarum Bajoria marchionem*. Quod
si altius ascendere vellemus, possemus perhibere, huius *Geroldi* marchionis pa-
trem fuisse *Geroldum illustrem palatinum Pipini ab Herstallo*, cuius meminit Vita
S. Swiberti Tom. II. Leibn. p. 236. seq. Sed cum proferimus haec tantum
tanquam coniecturas, Vitaque Swiberti sine dubio villo scriptum sit suppositum,
vt ipsi doctissimi patres Societatis Iesu Henschenius ac Papebrochius agnouere,
haec vera esse non contendimus, falsa autem esse praefraete affirmare non aude-
mus. Illud vero tacere nolumus, Albericum in Chronico suo, quod tam in
Leib-

Leobnitii Accession. Historicis, quam in I. B. Menckenii Script. Rer. German. gubernante Tom. I. reperitur, perhibere, *Geronem* marchionem orientalem, quem *Gerinum* comitem nominat, *vixisse 300 annos*. Hinc doctus quidam vir coniecit, *Geronem* illum esse posse *Geroldum*, quocum Widekindus M. anno 807 bellum gessit, quia Gero et Geroldus unam nomen sit, quemadmodum Reinoldus contrahitur in Reino, Manigoldus in Menno, Arnoldus in Arno, et Hunoldus in Huno. Sed ex supra dictis patet, distinguendos esse Geroldos, nec confundendum patrem cum filio, et filium cum auo. *Gero*, orientalis marchio, mortuus, et sepultus est anno 965 in monasterio Gerenrode, quod ipse fundauerat. Noster vero *Geroldus* vitam cum morte commutauit anno 875 in monasterio nostro Corbeienfi, et sepultus fuit in crypta post summum altare. Eius epitaphium Romano charactere conscriptum hic exhibemus:

INCLITVS EISTIC POSITS SE VAGEROD
 QVONAR REGHEGARS IN OBSE Q. O
 SEDSERVREDNA ENHOCQVAD HABEBAT
 SECVPRESENI CTVIT ECCAE
 CIVSDOCTRINIS GADET DNQREFVGE
 PROQVOXPE IVGE CTFEREIREQVIE

Ab anno
826 vsque
853 im-
perante
Hludo-
uico et

Matrem huius *Geroldi* fuisse ex domo Brunoniana, propter dona a *Geroldo* nostro tradita, tam certum sit, ut negari non potuerit. In Frisia ducatu in pago Westracha eundem *Geroldum* quoque bona possedisse, Corbeiensi monasterio donata, probamus sequentibus tabulis imperatoris Hludowici pii, quas ex originum litteris vndiquaque illas beneque conseruatis eam ob causam addimus, quia ex illis Annales Fuldenses Tom. I. S. R. G. Freheri f. 24. corrigi possunt, referentes, Hludovicum imperatorem mortuum esse anno 840. XII. kal. Julii, seu die 20 Junii:

Q In nomine dñi dei et saluatoris nostri ihu Xpi Hludouicus diuina propitiante clementia imperator augustus notum sit igitur omnibus fidelibus scēe dī ecclesiae et nostris praesentibus scilicet et futuris quia ante annos aliquod concessimus cuidam fidei nostro uocabulo *gerulfo* quosdam res proprietatis nostrae quae sunt in *ducatu frisiae* in pago *uuestracha* in uilla *camminge hunderi* et in aliis uillis circumquaq. sepositis. sed quia interuenientibus quibusdam turbinibus per ipsius *gerulfi* negligentiam ab eius potestate et dominatione eadem res abstractae sic regio sociatae sunt tandem diuinae misericordiae intuitu placuit nobis easdem res illi restituere et quemadmodum pridem fuerat in eius potestatem et dominationem transfundere. quas ut certius firmissq. nostris futurisque temporibus possidere ualeret has auctoritatis nostrae litteras ei fieri iussimus per quas memoratas res cum his quae ad eas iure et legaliter pertinent deinceps iure proprietario ualeat possidere et quidquid de eis agere uoluerit liberam habeat potestatem. neque aliquam ob memoratam occasionem de eisdem rebus ullo unquam tempore calumniam patiatur sed quidquid sicut diximus de eis ordinare atque disponere uoluerit liberrimo in omnibus potestatur arbitrio. Et ut haec nostrae restitutionis auctoritas et nostris et futuris temporibus inuiolabilem ualeat obtinere firmitatem de anulo nostro subter eam iussimus sigillari.

glorius notarius ad uicem hugonis recognoui et
SSSS.

data VIII. id. iul. anno Xpo propitio XXVI. imperii domni hlu-
douici

douici serenissimi imperatoris indictione secunda. actum cruciniaco gubernante palacio regio in di nomine feliciter amen. Corbeiam Warino.

Sigillum exhibet
Tab. II, n. 7.

Memoratu autem dignum esse censemus, quod infra §. 175. de nostro *Geroldo* relatum inuenimus, permutasse scilicet bona *Geroldum* comitem circa annum 856 cum abbate Corbeienfi Adalgario. *Geroldus* enim abbati dabat, quidquid habebat in pago Suilbergi, abbas vero *Geroldo*, quidquid possidebat in pago Thuringia in villa Honesleue. Ea permutatio redundauit in vtriusque partis utilitatem, quam sine vilo dubio locorum situs afferebat. Vnde non inepte colligitur, *Geroldum* eo tempore comitatum suum habuisse vel in pago Northuringi, vel in pago Hardego, vel in pago Sueuon, vel in pago Hafugo. Si enim in his regionibus *Geroldus* noster comitatum suum non habuisset, mutatio illa bonorum ipsi non fuisset conducibilis. Plura autem alia bona istum in istis regionibus tempore regiminis sui acquisuisse, est probabilissimum. Illud inficiari haud licet, illum grandem natu monasterio Corbeienfi sese sacrasse, ibidemque inter leuitas assumptum esse. Quae vicissitudo eo tempore, vti ex Hlotharii imperatoris exemplo aliisque est perspicere, pro summa pietatis documento habebatur. Liberos procreasse *Geroldum*, antequam habitum monachicum induit, patet e verbis sequentibus in archiuo Corbeienfi in membrana scriptis:

*Post habuit Christo uxorem natoque Geroldus,
Imperiale genus, Saxoniaeque decur.*


Verisimillimum ergo nobis videtur, eundem fuisse latorem iam supra dicti marchionis *Geronis* atque *Sifridi* comitis, quorum alter fundator abbatiae Gererodensis, alter autem monasterii Gröningensis conditor exstitit. Quemadmodum enim in Andrea Hoppenrodii *Annal. Gererodensibus* Tom. II. S. R. G. Meibomii p. 425. marchionis *Geronis* pater appellatur *Gero comes*, qui anno 890 vixit: ita Andreas Poperodius in *Stambaum*, seu in *Genealogia principum comitumque in terris Saxoniciis*, *Geronis* marchionis auum itidem *Geronem* dictum Burgrauium Magdeburgensem fuisse tradit, atque habitasse scribit in arce *Geroldsdorf* ante urbem Quedelburgum, cuius arcis nomen contractum est ex *Geroldsdorf*, qua ratione pro Reinoldsburg et Hunoldsburg dicimus Rensburg atque Hundsburg. De auo igitur marchionis *Geronis*, *Geroldo*, hactenus diximus, eius patrem vero nos inuenisse credimus in his traditionibus §. 285, vbi *Gerulf*, quidquid habuit in Bisnisburg in Hafugo pago, tradidit. Quae villa sine vilo dubio est Befenburg, sita sub iurisdictione Mansfeldensium comitum. Fuisse autem *Geroni* marchioni fratrem nomine *Sifridum*, verbis Chronici Montis Sereni p. 36. comprobamus hinc: *Temporibus primi imperatoris Ottonis duo fuerunt fratres Gero dux et marchio et Sifridus comes. Horum soror Hidda dicebatur. Gero filium habuit vnicum Sifridum, qui in iuuentute obiit, de cuius morte pater adeo turbatus est, vt Romam peteret, et coram altari B. Petri arma deponeret, impetratoque S. Cyriaci brachio domum rediens cum omni hereditate sua ad Christum confugit, constituens ecclesiam, quae Gererode eius nomine dicitur, filiique sui viduam Hetwigam, quam ille annis septem habuerat, a Bernardo Halberstadenfi episcopo velatam, eidem monasterio praesecit: consummatisque feliciter omnibus XIV. Kal. Iulii obiit anno DCCCCLXV. Sifridus quoque frater eius in honorem B. Viti construxit ecclesiam, quae Groninge dicitur. Hidda vero nupsit Christiano marchioni, qui genuit ex eo Geronem Colonensem archiepiscopum et Dithmarum marchionem. Hi fratres et mater ipsorum defuncto patre, fundauerunt monasterium in honorem Dei genetricis in loco, qui Danemarivuel dicitur, et est in confinio castri Anehalt, congregatis ibi fratribus Deo iuxta regulam B. Benedicti seruientibus, et praeposito eis abbate, qui Hageno dicebatur, quem etiam imperatoris consanguinitas illustrabat. Plura de isto marchione *Gerone* addere non placet, quia ea in I. G. Eccardi *Histor. Geneal.* p. 111. seqq. iam exstant. Id vnicum addimus, ex diplomatibus, quae l. c. atque in Hoppenrodii *Annalibus Gererodensibus* loco laudato inueniuntur, appa-*

Ab anno
826 vsque
853 im-
perante
Hludo-
uico et

apparere, *Geronom* istum amplissima prædia in pago Sueuon et contiguis regio-
nibus tenuisse. De eius vero fratre *Sifrido* restat nonnihil annotandum. Eius
vxor in autographo diplomate *Folemari* non appellatur *Iutta*. Sed nomen hoc
legitur apud Abbonem de *Dalem*, cuius chronici fragmentum C. F. Paulinius
primus, sed mancum, edidit in *Chronico Otbergensi* p. 198. seqq. Abbo eius
nomen expressit, referens, filium *Iuttæ* fuisse *Sifridum* et filiam, cui fuerit no-
men *Iutte*. Ipsum diploma *Folemari*, licet iam a *Meibomio*, *Paulinio*, *Leuck-*
feldio, *Ketnero*, *Lunichio* atque *Eccardo* sit editum, ex ipso tamen autographo
accurate descriptum addimus hunc in modum:

Q In nomine dī omnipotentis *folcmarus* nouae corbeiae indignus abbas
omnisq; congregatio inibi dō seruiens omnibus scēae matris ecclesiae
filiis salutem. quia statuta sepe maiorum perturbat turba prauorum. et
iuste possessa aliquando iniuste putantur acquisita. idcirco uniuersitati
nr̄ae notum fieri uolumus. qualiter *comes Sifridus* nomine ob
spem retributionis aeternae tradidit hereditatem suam ad monasterium
nr̄um in pago *bardgo* in loco cuius uocabulum est *uuestergroningen* sito
iuxta fluuium *bade*. hoc est ipsam ecclesiam cum clericis quos ibi pro-
prio habuit. et quidquid in australi parte ecclesiae intra urbem est.
et quidquid extra urbem hereditatis possidet in agris pratibus pascuis cul-
tis et incultis aquis aquarumq; decursibus. pro rege gloriosissimo uide-
licet *Heinrico* cum serena *Machilda* et regia prole *oddone Heinrico Brun-*
Gerbert. Hathuuin. nec non et pro se ipso una cum coniuge et pro
omnibus suis debitoribus. ea ratione si fieri posset. ut eum iuuaemus
monasterium ibi construendum et ut duobus monachis de nr̄a congrega-
tione ipsum locum perpetuo commendarem quod et fecimus. haec
traditio facta est presente dō coram altari sacratissimorum Xpi marti-
rum *Stephani* atq; *Uiti* nr̄a adstante paucitate simulq; *aduocato bogero*
cum aliis testibus *luidbrando* aged *thiadmario* *heoduuardo* et aliis.
Actum autem nouae *corbeiae* anno incarnationis dominicae DCCCC.
XXXVI. VII. kal. iunii id est posttridie urbani indictione VIII.

Omnium igitur, quae diximus et coniectauimus haecenus, genealogica cog-
mentatio hoc exhibet schema:



Ex

ma (E) siue in *erpesbus* (F) siue in quocunque alio loco testef adalhard ^{gubernante}
 ecbert pumi erb bodo et alii XXI. ^{Corbeiam}

§. 164. ^{rino.}

Ex quibus progeniei vinculis apparet, cur *Sifridus* comes Groningense monasterium tradiderit abbatiæ Corbeienfi. Scilicet auus eius in eodem sepultus iacebat.


- (E) Villa *Gudulma* erat, testante Registro nostro, in pago *Nithega*. Pagus *Nithega*, De villa ^{Gudul-}
 vi (§. 86.) iam supra vidimus, inueniendus est ad fluuium *Neita*, qui in epi- ^{ma.}
 scopatu *Paderbornensi* oritur, atque in diœcesi *Corbeienfi* haud procul a villa
Gudulma in *Wiseram* influit. Intelligimus ergo, per villam *Gudulma* denotari
 vicum *Golen*, locum *Corbeienfi* abbatiæ. Situs eiusdem villæ nobis persuadet,
 eandem olim ad nullum alium, nisi ad potentissimum possessorem castri *Bruno-*
nisburgi, referri potuisse. Quemadmodum enim supra (§. 149.) didicimus, fi-
 liam, *Ecberti* ducis, *Hadwydam* in eodem tractu tenuisse villas *Weredun*, *Up-*
weredun et *Beuerungun*, atque ex eo collegimus, *Ecbertum* omnino ducem
Brunonisburgi possessorem fuisse; ita villa *Gudulma*, quæ *Brunonisburgo* prop-
 rior et pene ad radices montis *Brunsbere* iacet, ad familiam *Ecbertinam* sine
 vilo dubio spectauit. Quodsi autem *Geroldus* hereditatem suam, in *Gudulma*
 obuam, monasterio *Corbeienfi* confert, ille autem origine nobilis *Francus* fuit,
 mater eius *Saxonica* domina, et probabiliter ipsius *Ecberti*, vel eiusdem fratrum
 filia fuerit oportet. A matre enim accepisse *Geroldum* ea bona, infra videbi-
 mus. Putamus autem, designari eandem villam diplomate regis *Arnolfi*, quod
 ex originum litteris inserere nostra et fortasse plurimum interest.

¶ In nomine scæ et indiuiduæ trinitatis *Arnolfus* diuina fauente gra-
 tia rex: Conuenit regiae excellentiæ ut inter fideles suos mutuam
 utilitatem prouidere et de singulorum rationabilibus commodis assen-
 sum prebere uelit quapropter omnibus notum esse uolumus quoniam
 inter fideles nostros *houonem* abbatem et *oddonem* comitem pro mutua
 utilitate hanc commutationem fecimus ut res proprietatis nre in *gode-*
leueshem et in pago qui dicitur *nithberfi* *oddoni* beneficiata ad monaste-
 rium noue corbegue cui prefatus preest abbas in ius proprietatis
 traderemus cum omnibus familiis mancipiis terris pratibus siluis aquis
 aquarumq; decursibus et omnibus omnino rebus tam mobilibus quam
 immobilibus quatenus ex hoc ad predictum monasterium cum omni
 integritate mancipentur. E diuerso autem res eiusdem monasterii in
 orientali parte ultra fluuium *ouaccram* coniacentes in nostrum ius cum
 omnibus quae ad eas pertinent receptas *oddoni* in beneficium concessimus
 id est in *dalbem* litos XIII colonum I. et sextam partem salinarum.
 in *odonhem* litos XIII. colonos II in *kirtsbi* litos II in *leri*, litos
 colonum I. mansos II et dimidium in *laubingi* colonum unum in *scoder-*
sted litos II. in *mullumsted* litos III. in *sepbingi* mansos V. in *uredu*
 litos VII. mansos XII. in *rodensfleua* litos XX. mansos LX. in *dallan-*
gibudli colonos et mansos XV. in *beriuuidi* colonos et mansos XVI.
 in *sladuorde* colonos VII. et octauam partem totius marcae in benefi-
 cio aduocati mansos VIII. in *ailimundesfrothe* mansos XX. utriq; ergo
 parti per hoc consulimus eo quod utriusq; maior commoditas in lo-
 corum situ habeatur quam antea fuerit. et ut firmiter ista omnibus in fu-
 turum temporibus constant manu propria roborata anuli nri impressio-
 ne signari precepimus

M m

signum

Ab anno
826 vsque
853 im-
perante
Hludo-
uico et



Aspertus cancellarius ad uicem theotmari archicapellani recognoui.

Data III. id. iun. anno dominicæ incarn. DCCC. LXXX. VIII. indi-
cti. VI. anno autem domni regis Arnolphi largissimi regis primo. Actum
franchonofurt palatio regio in dñi nomine feliciter amen.

Sigillum exhibet
Tab. III, n. 1.

In hoc diplomate villa *Gudulma* appellatur *Godeleueshem* et ponitur in pago *Nitberfi*. Diuersa huius villæ scriptio nemini dubitationem asferre debet. In antiquis enim membranis, in archiuo Corbeiensi extantibus, eadem villa modo *Godeleuesheim*, modo *Godelheim*, modo *Godelmen*, modo *Godelem*, modo *Godelmon*, modo *Godolumen*, modo *Godelumen*, modo *Godelun* et modo *Godelen* scripta fuit. Quilibet autem, ipsa diplomata accurate considerans, facillime perspicere poterit, vnam eandemque villam sigillatim indicari, quemadmodum etiam hodierno die idem vicus modo *Godelheim*, modo *Golen*, modo *Galen* et modo *Gaulen* scribitur ac pronuntiatur. Quilibet vero vnum eundemque vicum ad fluum Neire in abbatia Corbeiensi semper designari intelligit, in quo vico, vt hoc obiter addamus, ante viginti et quod excurrit annos, vidi rusticos, manus suas aratro admoventes, qui sensa animi latinis verbis perfectissime explicare valebant. Amplum esse *Godelheim* vicum, omnes norunt, qui regiones incolunt vicinas. Sed ager, licet ferat messes opimas, bonitate par non est mansis, quos, testante diplomate regis Arnolphi, Oddo comes ab ecclesia Corbeiensi accepit. Hi sunt, præter litos et colonos atque octauam partem totius marcæ Sladforde et sextam partem salinarum in Dalhem, 140 mansi et dimidium, qui efficiunt 8430 iugera; tot vero iugera circa *Godeleueshem* non inueniuntur. Probabilissimum ergo est, *Godeleueshem* fuisse curtem maiorem, ad quam olim alia minores e. g. Dringtorpe (hodie Drencke) et Otburgun (hodie Ottbergen) spectarunt. Vt autem plura, ad explicationem præstantissimi diplomatis facientia, adferamus, res ipsa flagitat. Nam illud, in *Orig. Pyrmont*, p. 159. seqq. in malam crucem detortum videmus. Dalem in orientali parte, seu Orientali Saxonia, vltra fluum Ouaccram, id est, *die Orker*, sine vilo dubio est Salztzhalem, vbi magnifica et dædalea arte domus ducalis structa conspicitur. *Odenhem* non esse potest Ahlen haud procul Wolferbuttela. Designari credo Eilen vicum satrapie (Landvogrey) Eufensis. Eadem enim villa in recentioribus documentis scribitur *Adelem*, atque in documentis infra in *Addendis* sub num. 9. *Oudenheim*, sub num. 17. *Oudenheim*, sub num. 18. *Udenon*, et sub num. 35. *Odenhem* nominatur. *Kikthi* sine dubio est *Stekte* in præfectura Wolffenbuttelenfi. *Leri* est *Lere* in præfectura Kampen. *Laubingi* vero est Lauingen in præfectura Königslutter; *Scodersted* villa est desolata, cuius situs fuit haud procul ab oppido Königslutter in loco dicto adhuc *das Scoderstetter feld*. Hic præterea inuenitur *das Scoderstetterholtz*. *Mullumstedi* in pago Derlingi existit. Ibidem existit *Seppingi*. Hæc est Scheppau in præfectura Kampen. Illa vero villa Mullumstedi fuit dudum defo-

desolata, olim sita haud procul ab oppido Scheppensted. *Uredu* hodie nominatur Uehrede, locus praefecturae Wolffebuttel. *Rodenleua* sita fuit in pago Norththuringi. Designatur Rodenleuen in tractu Magdeburgici Ducatus, quem vocant *Borde*. *Dallangibudli* erat, in pago Derlingi sita. Designatur Dannebuttel in Gifhorn praefectura Principatus Luneburgici. *Beriwidi* probabiliter est Barmke haud procul a monasterio Marienthal, seu Berwedel in praefectura Gifhorn. Villam vero *Sladforde* haecenus pro vico et praefectura Slansted in episcopatu Halberstadenfi reputauimus. Nota fuit olim Sladfordemarca. Videntur ibi limites fuisse pagorum Derlingi atque Hardego. Hoc si ita est, locum *Slancisfordi*, ad quem Heinricus caesar anno 1015 cum exercitu glomerato perrexit bellum gesturus cum Bolizleuo duce Bobemiae, testante Ditmaro T. I. Leibn. p. 404. per Sladforde licet interpretari. Quamuis enim nobis quis obicere possit, si *Slancisfordi* esset Slansted, caesari fuisse retrocedendum, quia caesar profectus erat Goslaria Magdeburgum, et hinc ad locum *Slancisfordi*; respondeamus tamen, nos Ditmarum, qui confuse scripsit, et hoc ipsum, ita interpretari, ut ipse referre voluerit, caesarem, ut congregatio militum Goslariae fieret, mandasse, atque inter haec caesarem Goslaria Magdeburgum profectum esse, ut interuentu S. Mauricii exorati exsuperaret Bolizlaui contumaciam, eoque facto caesarem se contulisse ad *Slancisfordi*, ad quem locum inter haec exercitus iter fecerit, quo auctus postea Heinricus Albim transiit. Denique in eadem regione reperiuntur Abbenrode, Essenrode, Elchenrode, Ibanrode, Erckerode. Obuius est locus in nemore Elmo dictus *Groten-Rode*. Haec vox nonnihil similitudinis habet cum villa *Ailimunderrotbe*, quae in diplomate Arnolphi memoratur. Fortassis autem nobis optata datur occasio, eiusdem villae situm accuratius indagandi. Designasse regem Arnolfum in adducto diplomate vicum *Godelheim*, in radice montis Brunsberg situm, elucet porro ex diplomate imperatoris Chuonradi secundi, ad annum 1028 dato, quod in Historia Corbeiensis ari incisum producimus, quia singulare et praestantissimum est, et restitutionem villae *Godeleueshem*, iniuria temporis ablatae, continet. Huius villae possessionem deberi ecclesiae Corbeiensis, Abbas tunc demonstrabat ex litteris regis Arnolphi. Quare diplomata huic veteres Corbeiensis in membranae ora adscripserunt haec verba: *villam Gadelhem a matre Geroldi leuitae, et ab hoc monasterio nostro donatam atque ab aduocato Ottone acceptam, sed iniuria temporis ablatam, reddit Chuonradus rex.* Quod momentum si expendimus, ex ipso conspicuum est diplomate Arnolphi, nullum alium vicum per *Godeleuesheim* designari, nisi villam a nobis indicatam. Arnolfus dicitur hoc diplomate parti vtrique consuluisse, quod vtrisque maior commoditas in locorum situ habeatur, quam antea fuerit. Id vero caesar profecto adfirmare haud potuisset, si, *Goddelsheim* villam praefecturae Eisenberg in principatu Waldeccensi indicatum esse, vellemus. Corbeia enim nostra ex locorum eiusmodi situ nihil vtilitatis capere potuisset. *Goddelsheim* enim, in praefectura Eisenberg sita, tam longe a nostra Corbeia abest, quam villae in pago Derlingi ultra Ouaccram ab hac distant. *Godelheim* autem, ad radices montis Brunsberg sita, vix vno milliari ab ecclesia nostra distat. Peraeque *Oddoni* comiti magnam afferebant commoditatem villae in pago Derlingi sitae et in vicem acceptae. Nemo facile inficiabitur, *Oddonem* comitem fuisse *Ottonem* illustrem, filium ducis Luidolfi ac patrem Heinrici aucupis. Ex villa Werla, quae probabilissime hoc tempore iam exstitit, siquidem anno 919 ibi iam castrum munitissimum Heinrici caesaris erat, perspicui potest, *Ottonem* illustrem anno 888 iam quadam bona possedisse in pago Derlingi. Haec verisimiliter ex hereditate ducis Ostfalorum Hessi in manus eius peruenerant, ut supra (§. 104.) vidimus. Ut ergo tandem hanc commentationem ad finem perducamus, ex dictis argumentamur atque definimus, 1) Geroldum omnem hereditatem matris suae in villa Gadelheim dedisse monasterio Corbeiensis, 2) matrem Geroldi fuisse e stirpe Brunoniana, 3) *Ottonem* comitem in eadem villa concessisse abbatiae Corbeiensis, quidquid habuerat, 4) *Ottonem* comitem descendisse ex eadem stirpe, ex qua fuerat orta Hadwy ducis Eeberti filia, 5) *Ottonem* illum fuisse patrem Heinrici aucupis et nepotem ducis Eeberti. Quidquid enim Otto ex hereditate aui sui habuerat, is retinuerat sibi usque ad annum 888. Parescit inde, 6) Luidolfum, ducem Saxoniae, fuisse filium Eeberti Saxoniae ducis, 7) *Godeleueshem* non esse *Goddelsheim* in principatu Waldeccensi, 8) pagum Nitherfi et Nerga esse vnum eundemque pagum, 9) nos recte collocasse eundem pagum ad ripas fluminis Neita